

Fu posto, per li Consieri, Cai di XL e Savi dar il datio di anfore 34, bigonzi 3 di vin a domino Ambruoxo di Fiorenza orator dil Christianissimo re, fato venir per avanti in questa terra. Fu presa : 167, 10, 3.

Fu da poi per il Serenissimo referito al Consejo quello havia ditto questa mattina il Legato dil Papa in Collegio, come ho scritto di sopra. *Item*, quello disse poi l'orator cesareo, acciò il Conseio intendesse.

Fu posto, per i Savi dil Consejo e terra ferma d'acordo, una lettera a l'Orator nostro in corte, in risposta di soe, zerca questi tratamenti, et che vedemo nui non poter esser in alcuna cossa a questa liga *praecipue* per esser contra il Turcho; la qual cossa saria in grandissimo danno dil Stado nostro per esser li primi che confinemo con lui. Et quanto a darli ducati 120 milia a Cesare, Sua Beatitudine vedi di conzar in mancho numero; con altre parole. Ave : 149, 19, 10.

Fu prima lecto la relation di Bortolo Comin secretario, di quello havia ditto li oratori di Franza, a la risposta fatali far per il Senato.

Item, fu preso ditto segretario lezi la risposta a caxa loro, aziò i non vegnino in Collegio, per non dar sospetto a l'orator cesareo.

Fu posto, per sier Hironimo da cha' da Pexaro e sier Lunardo Emo proveditor sora l'Arsenal, sier Antonio da cha' da Pexaro, sier Almorò di Prioli, sier Simon Lion proveditor a l'Arsenal: *cum sit* che dil 1517, fusse preso li danari di le daie di Padoa foseno di l'Arsenal, e perchè per Alexandro Foscari exator non è stà mandati, et è in resto lire 49 milia con la comunità et lire 12 milia dil clero, però sia preso che, excepto li ducati 200 obligati ogni mexe ali Camerlenghi di Comun et ducati 109 obligati a li heredi qu. sier Andrea di Prioli fo baylo a Costantinopoli, el dicto exator mandi tutti i danari a l'Arsenal che si scoderà, non posendo li Camerlenghi far partita sotto pena, et esso exator; e altro clausule. 169, 8.

Election di do patroni di fuste.

Sier Christofal Morexini è pagador a l'armamento, di sier Christofolo el censor,
Sier Lorenzo Sanudo qu. sier Anzolo, qu. sier Francesco,
Sier Marco Marzello fo a l'armamento, di sier Hironimo, qu. sier Antonio,

Sier Matio Marin fo avochato grandò, qu. sier Alvise,

Sier Marco Balbi fo soracomito, qu. sier Zuane, qu. sier Jacomo,

Sier Zuan Trivixan fu savio, ai ordeni qu. sier Vincenzo qu. sier Marchiò,

Sier Lunardo Loredan fo conte a Puola, qu. sier Berti,

Sier Polo Gradenigo fo patron di nave, qu. sier Alexandro,

Sier Lorenzo Donado di sier Andrea, qu. sier Antonio el cavalier, fo

Sier Hironimo Celsi, qu. sier Stefano *el Grando*,
Sier Nicolò Querini fo patron di nave, qu. sier Andrea da Sant' Anzolo,

Sier Almorò Minio di sier Lorenzo, fo. nobile in armada,

Sier Antonio Arimondo qu. sier Antonio, qu. sier Fantin,

Sier Polo Morexini fo a la ternaria vechia di sier Zuan Alvixe,

Sier Paris Malipiero fo conte a Nona, qu. sier Andrea da Santi Apostoli,

Sier Domenego Falier fo a l'armamento, di sier Bernardin,

Sier Zuan Bragadin, di sier Zuan Francesco,
Sier Alexandro Barbo, qu. sier Faustin,

+ Sier Zuan Batista Donado di sier Vettor, qu. sier Francesco,

Sier Alvixe Bembo fo di XX Savi sora i extimi, qu. sier Zuan Batista,

+ Sier Ambruoxo Contarini fo camerlengo di Comun, qu. sier Andrea da San Felixe,

Sier Piero Valaresso fo nobile in Barbaria, di sier Zacharia, qu. sier Zuane,

Sier Zuan Francesco Manolesso, qu. sier Lorenzo fo

Sier Carlo Zane fo patron di nave, qu. sier Bernardo da San Polo,

Sier Antonio Barbaro di sier Vincenzo, qu. sier Berti,

Sier Tomà Permarin di sier Nicolò, fo in levante,
Sier Lorenzo da Mulla, di sier Agustin,

Sier Luca Polani di sier Bernardin,

Sier Hironimo Michiel è di XX Savi sora i extimi qu. sier Zuane,

Sier Sebastian Salomon qu. sier Vido, fo proveditor a l'armamento.

Fu posto, per li Consieri e cai di XL, scriver a sier Daniel Moro retor in Sitia, essendo vachà il